

ԸՆԹԱՑԱԿԱՐԳ
«Արցախ ՀԷԿ» ԲԲԸ-ի անվանական արժեկտրոնային
պարտատոմսերի տեղաբաշխման

1. ՆԵՐԱՇՈՒԹՅՈՒՆ

1.1. Հիմք ընդունելով «Արցախ ՀԷԿ» ԲԲԸ-ի (այսուհետև՝ Թողարկող) Տնօրենների Խորհրդի 09.08.2012թ. N 3-2012/03 որոշումը և Թողարկողի ու «ԱՐՄՍՎԻՍԲԱՆԿ» ՓԲԸ-ի (այսուհետև՝ Բանկ) միջև 13.09.2012թ. կնքված «Պարտատոմսերի չերաշխավորված տեղաբաշխման մասին» պայմանագիրը, Բանկը ստանձնել է Չերաշխավորված եղանակով տեղաբաշխել Թողարկողի 6,000,000 (վեց միլիոն) ԱՄՆ դոլար ընդհանուր ծավալով անվանական արժեկտրոնային պարտատոմսերը (այսուհետև՝ «Պարտատոմսեր») հետևյալ պայմաններով.

Պարտատոմսի դասը	Անվանական արժեկտրոնային պարտատոմսեր
Պարտատոմսի ձևը	Ոչ փաստաթղթային,
Պարտատոմսի այլ բնութագրիչներ	Պարտատոմսերը փոխարկելի չեն, Ընկերությանը վաղաժամկետ մարման իրավունք չեն տալիս
Թողարկման ընդհանուր ծավալը	6 մլն (վեց միլիոն) ԱՄՆ դոլար
Անվանական արժեքը	10,000 (տասը հազար) ԱՄՆ դոլար,
Քանակը	600 (վեց հարյուր) հատ
Շրջանառության ժամկետը	36 ամիս
Տեղաբաշխման ձևը	բաց տեղաբաշխում
Շրջանառության ձևը	ազատ շրջանառության իրավունքով
Պարտատոմսի ապահովվածությունը	Ընկերության ընդհանուր գույքով և այլ ակտիվներով
Պարտատոմսերի եկամտաբերության տարեկան տոկոսադրույքը և արժեկտրոնի (տոկոսագումարների) վճարման պարբերականությունը	Արժեկտրոնները հաշվարկվելու են տարեկան 10%, որոնք վճարվելու են կիսամյակային պարբերականությամբ և ՀՀ դրամով:
Վճարման պայմանները (միջոցը և ժամկետները) և կարգը	Պարտատոմսերի դիմաց վճարումները կատարվում են ԱՄՆ դոլարով՝ մինչև պարտատոմսերի տեղաբաշխման ավարտի օրը: Վճարումներն ընդունվելու են կանխիկ և անկանխիկ ձևով՝ «ԱՐՄՍՎԻՍԲԱՆԿ» ՓԲԸ-ում բացված բանկային հաշվին:

Տեղաբաշխման ընթացքում, կախված ձեռք բերման պահից, պարտատոմսերի գինը փոփոխվում է և հաշվարկվում է ստորև բերված բանաձևով.

$$P = \frac{1}{\left(1 + \frac{a}{P} \times \frac{I}{2}\right)} \times \left(R \times \left(\frac{1 - \left(1 + \frac{I}{2}\right)^{-m-a}}{\left(\frac{I}{2}\right)} + 1 \right) + \frac{N}{\left(1 + \frac{I}{2}\right)^{m-a}} \right)$$

որտեղ՝

P – Պարտատոմսի տեղաբաշխման գինն է,

N – Պարտատոմսի անվանական արժեքն է,

I – Տարեկան եկամտաբերություն,

a – մինչև առաջիկա արժեկտրոնի վճարումը մնացած փաստացի օրերի թիվը,

b – ընթացիկ կիսամյակում ընդգրկված օրերի քանակն է,

R – կիսամյակային վճարվող արժեկտրոն (500 ԱՄՆ դոլարին համարժեք ՀՀ դրամ),

m – այդ պահին մնացած արժեկտրոնների վճարումների թիվը:

Պարտատոմսերի տեղաբաշխման գինը

2. ՊԱՐՏԱՏՈՄՍԵՐԻ ԲԱՅ ՏԵՂԱԲԱՇԽՈՒՄԸ

2.1. Պարտատոմսերի տեղաբաշխումն իրականացվում է հետևյալ կարգով.

2.1.1 Պարտատոմսերի տեղաբաշխումն իրականացվում է բաց տեղաբաշխման եղանակով, որը սկսվում է Պարտատոմսերի ազդագրի գրանցման օրվան հաջորդող երրորդ աշխատանքային օրվանից և տևում է 10 (տասը) աշխատանքային օր,

2.1.2 Ներդրողները կարող են Պարտատոմսերի ազդագրին ծանոթանալ Տեղաբաշխողի և Թողարկողի գործունեության վայրից (հասցեները համապատասխանաբար՝ ՀՀ, ք. Երևան 0010, Վ.Սարգսյան 10 և Լ.ԳՀ, ք. Ստեփանակերտ Վ. Սարգսյան 25ա, ինչպես նաև Տեղաբաշխողի և Թողարկողի ինտերնետային կայքերից (համապատասխանաբար՝ www.armswissbank.am և www.artsakhhpp.com):

2.1.3 Պարտատոմսերում ներդրում իրականացնել ցանկացող ֆիզիկական և/կամ իրավաբանական անձինք (այսուհետ՝ Ներդրողներ) կարող են մասնակցել բաց տեղաբաշխմանը (այսուհետ՝ «Տեղաբաշխում») միայն սույն ընթացակարգի 2.1.1 կետում նշված ժամկետում Պարտատոմսեր ձեռք բերելու նպատակով Բանկի կողմից սահմանված ձևով հայտը (այսուհետ՝ «Հայտ») (Ֆիզիկական անձանց դեպքում՝ Հավելված 1, Իրավաբանական անձանց դեպքում՝ Հավելված 1-1) պատշաճ կերպով լրացնելու և Բանկ ներկայացնելու միջոցով:

2.1.4 Հայտերը կարող են ներկայացվել տեղաբաշխման ժամկետի ցանկացած աշխատանքային օրվա ընթացքում՝ թղթային տարբերակով, էլեկտրոնային կապի միջոցներով և/կամ Բանկի ինտերնետային կայքի /www.armswissbank.am/ միջոցով՝ ժամը 10:00-17:00-ն ընկած ժամանակահատվածում:

- 2.1.5 Թղթային տարբերակով Հայտը ներկայացնելու դեպքում Ներդրողը Բանկում պատշաճ ձևով լրացնում և ներկայացնում է Հայտը Բանկի՝ հաճախորդների սպասարկման համար պատասխանատու ստորաբաժանում:
- 2.1.6 Էլեկտրոնային կապի միջոցներով ներկայացվող Հայտը պետք է Ներդրողի կողմից ուղարկվի հետևյալ էլեկտրոնային հասցեին՝ underwriting@armswissbank.am, կամ ֆաքսիմիլային կապի միջոցով՝ (010) 54-06-27 հեռախոսահամարով:
- 2.1.7 Բանկի ինտերնետային կայքի միջոցով Տեղաբաշխմանը մասնակցելու նպատակով Ներդրողը օգտագործում է հետևյալ հղումը՝ <http://armswissbank.am/account/registration/index/type/brokerage>, և հետևում հրահանգներին:
- 2.1.8 Պարտատոմսերի փաստացի ձեռքբերումն իրականացվում է Ներդրողի կողմից Հայտում նշված ծավալով Պարտատոմսեր ձեռք բերելու համար անհրաժեշտ դրամական միջոցները (որը որոշվում է հետևյալ ձևով՝ Պարտատոմսերի ձեռքբերվող քանակ բազմապատկած գին՝ հաշվարկված սույն ընթացակարգի 1.1. կետում սահմանված բանաձևով) Թողարկողի անունով Բանկում բացված թիվ 250004310000301 բանկային հաշվին մուտքագրելուց հետո:
- 2.1.9 Պարտատոմսերի ձեռքբերման համար անհրաժեշտ գումարները 2.1.8. կետում նշված հաշվին մուտքագրվում են անկանխիկ, ֆիզիկական անձանց կողմից նաև կանխիկ եղանակով: Կանխիկ եղանակով գումարները մուտքագրելու դեպքում Ներդրողը Հայտին կից Բանկ է ներկայացնում նաև անձնագիրը: Անկանխիկ եղանակով գումար փոխանցելու դեպքում Ներդրողը Հայտին կից պարտավոր է ներկայացնել նաև ձեռք բերման ենթակա Պարտատոմսերի դիմաց վճարումը հավաստող փաստաթուղթ, ինչպես նաև անձնագրի պատճենը եթե տվյալ Ներդրողը Բանկի հաճախորդ չի հանդիսանում:
- 2.1.10 Եթե Ներդրողի կողմից համապատասխան դրամական միջոցները վերոնշյալ բանկային հաշվին մուտքագրվել են մինչև տվյալ աշխատանքային օրվա ժամը 16:00, ապա այդ դրամական միջոցները մուտքագրված կհամարվեն տվյալ աշխատանքային օրը, իսկ եթե համապատասխան գումարները մուտքագրվել են տվյալ աշխատանքային օրվա ժամը 16:00-ից հետո, ապա դրանք մուտքագրված կհամարվեն մուտքագրմանը հաջորդող առաջին աշխատանքային օրը և համապատասխան պարտատոմսերի տեղաբաշխման գինը կորոշվի այդ օրվա հաշվարկով: Ընդ որում, եթե Հայտում նշված Պարտատոմսերի ձեռք բերման համար անհրաժեշտ գումարը 2.1.8. կետում նշված հաշվին մուտքագրվում է մաս առ մաս, ապա Հայտի համապատասխան դրամական միջոցների մուտքագրման ժամ կհամարվի դրամական միջոցների վերջին մասի մուտքագրման ժամը:
- 2.1.11 Բանկը մերժում է Սույն ընթացակարգում սահմանված կարգից շեղումներով ներկայացված Հայտերի կատարումը:
- 2.1.12 Բանկը 2.1.8. կետում նշված բանկային հաշվին գումարի մուտքագրման օրվա ընթացքում «Հայաստանի կենտրոնական դեպոզիտարիա» ԲԲԸ (այսուհետ նաև՝ ՀԿԴ) է ներկայացնում Թողարկողի թողարկման հաշվից Պարտատոմսերի փոխանցման հանձնարարագիր՝ ՀԿԴ-ի կանոններով սահմանված կարգով:
- 2.1.13 Բանկը, տեղաբաշխման ողջ գործընթացն ավարտվելու օրվան հաջորդող աշխատանքային օրը, 2.1.8. կետում նշված բանկային հաշվին հավաքագրված ողջ գումարը փոխանցում է Թողարկողի՝ Բանկում բացված թիվ 2500010015780101 հաշվին, որից հետո միայն նշված գումարները կարող են ազատ տնօրինվել Թողարկողի կողմից:
- 2.1.14 Հայտերը բավարարվում են ըստ 2.1.8. կետում նշված հաշվին Հայտերի համապատասխան գումարների մուտքագրման հերթականության: Եթե

տեղաբաշխման որևէ օրվա ընթացքում միևնույն ժամին ներկայացված Հայտերում նշված Պարտատոմսերի ծավալը գերազանցում է չվաճառված պարտատոմսերի ծավալին, ապա՝ Հայտերը բավարարվում են համամասնորեն՝ ըստ Հայտերի ծավալների: Ընդ որում՝ եթե առաջանում են ոչ ամբողջական պարտատոմսեր, ապա դրանք ենթակա են կլորացման թվաքանակային կլորացման եղանակով: Չբավարարված/մասնակի բավարարված Հայտերի համապատասխան դրամական միջոցները Բանկի կողմից ենթակա են վերադարձման երեք աշխատանքային օրվա ընթացքում՝ Հայտերում Ներդրողի կողմից նշված բանկային հաշվին փոխանցելու միջոցով:

- 2.1.15 Տեղաբաշխման ընթացքում ներդրողները պարտատոմսերով կատարված գործարքների վերաբերյալ տեղեկություններ կարող են ստանալ ՀԿԳ-ից կամ այլ պահառուից (որտեղ բացված է տվյալ ներդրողի արժեթղթերի հաշիվը):
- 2.1.16 Ներդրողը կարող է հետկանչել նախկինում ներկայացված Հայտը համապատասխան դիմում (Հավելված 2) ներկայացնելու միջոցով՝ եթե տվյալ Հայտը մասնակի կամ ամբողջությամբ չի բավարարվել և տվյալ Հայտի հիման վրա գործարք չի կատարվել:
- 2.1.17 Հայտի հետկանչման դիմումը բավարարելու արդյունքում Ներդրողին վերադարձման ենթակա գումարը, Հայտում կամ Դիմումի մեջ նշված հաշվին փոխանցվում կամ կանխիկ տրամադրվում է Դիմումը ներկայացնելու օրվան հաջորդող առավելագույնը 3 աշխատանքային օրվա ընթացքում :
- 2.1.18 Տեղաբաշխումը չեղյալ ճանաչվելու դեպքում Ներդրողների գումարները վերադարձվում են տեղաբաշխման չեղյալ ճանաչելու պահից 3 աշխատանքային օրվա ընթացքում՝ անկանխիկ եղանակով (Հայտերում նշված բանկային հաշիվներին փոխանցելու միջոցով):
- 2.1.19 Բանկը 2.1.14 և 2.1.18 կետերում սահմանված դեպքերում գումարների հետ փոխանցումն իրականացնում է իր հաշվին:

3. ԱՅԼ ԴՐՈՒՅԹՆԵՐ

- 3.1. Տեղաբաշխման ընթացքում Հայտերի բացակայությունը և պարտատոմսերով գործարքների չկատարումը պարտատոմսերի տեղաբաշխումը չեղյալ ճանաչելու հիմք չեն: